

Gvangjsih Minzveij(cunghgyau) Hidungj Ganbu Gauhgiz Yenzsiuhbanh Youq Cunghyangh Minzda Gawjbanh

广西民委(宗教)系统干部高级研修班在中央民族大学举办

Ndwen neix 13 daengz 17 hauh, Gvangjsih Gih Minzveij (cunghgyau) hidungj ganbu yenzsiuhbanh youq Cunghyangh Minzda gawjbanh. Miz 45 boux lingjdauj ganbu daj Swcigih Minzveij、Swcigih Cunghgyaugiz、Swcigih Minzyijveij caeuq daengx gih 14 aen si minzveij、cunghgyaugiz、minzyijveij daeuj haenx camgya le yenzsiuhbanh hagsib. Gih Minzveij cujyin Luz Yenbenj、fucujyin Vangz Cigen、gijgenj cujjangj Siuh Siengzvaz caeuq Swcigih Cunghgyaugiz gizcangj Liengz Liujningz daengj lingjdauj hix dangguh hagseng camgya le hagsib.

Baez yenzsiuhbanh neix iucingj le Gozgyah Minzveij、Cunghgoz Sevei Gohyozyen、Cunghyangh Minzcuz Dayoz caeuq Bwzgingh Lijgungh Dayoz daengj 8 boux conghyah daeuj gangigoq. Baez yenzsiuhbanh neix, youh dwg Gvangjsih Minzveij(cunghgyau) hidungj caeuq Cunghyangh Minzcuz Dayoz baez daih'it doxgap gawjbanh, hix dwg Gvangjsih Minzveij (cunghgyau) hidungj baez daih'it caeuq guekgia gaep gauhyau lienzhab guh ganbu beizyin. Luz Yenbenj cujyin youq gwnz gezyez denjlilj naeuz: "Raeuz aeu mboujduenh gyadaih roengzrengz doiq minzveij (cunghgyau) hidungj ganbu beizyin, damqra caeuq cauxmoq beizyin mosik, mboujduenh daezsang minzveij (cunghgyau) hidungj ganbu cwngcwz suijbingz、lijlun suijbingz caeuq gunghcoz naengzlig, vih guh ndei hong minzcuz (cunghgyau) Guengjsae caep roengz giekdaj ndei."

(Maj Civaz doz/faenz)



▲ Gozgyah Minzveij cwngcwz Fazgveih Swh nyuenz swhcangj Mauz Gunghningz hawj yozyenz hwnjdangz.



▲ Cunghyangh Minzda nyuenz fuyaucangj Liengz Dingzvang gyausou hawj gyoengq yozyenz hwnjdangz.



▲ Minzveij cujyin Luz Yenbenj (boux cungqgyang) caeuq Cunghyangh Minzda Fuyaucangj Siz Yacouh (bouxgvaz) camgya gezyez denjlilj.



▲ Gyoengq yozyenz nyinhcaen dingq gangigoq.



▲ Angqhoh daihhoih yienhciengz.



▲ Nyuenz swnghdai minzcuz gofoux.



▲ Gyoengq senjsouj iq cingq baenq huhlahgenh doxdax.

Denhngoz Yen Angqhoh Bazlaz Yauzcuz Yangh Laebbaenz 30 Hopbi

天峨庆祝八腊瑶族乡成立30周年

11 nyied 27 hauh, Denhngoz Yen gawjhenz angqhoh Bazlaz Yauzcuz Yangh laebbaenz 30 hopbi hozdung. Swcigih Minzveij cuzhodonz caeuq Hozciz Si、Denhngoz Yen daiyaujdonz camgya le angqhoh daihhoih. Bazlaz Yangh dwg Denhngoz Yen aen Yauzcuz Yangh dog ndeu. Daengx yangh miz 9 aen hingzcwng cunh, 292 aen cunhminz siujcuj, 22534 gyauejvunz, cujyau miz Yauz、Gun、Cuengh、Mauznan daengj minzcuz cabyouq, saujsu minzcuz miz 6953 gyauejvunz(Yauzcuz gyauejvunz 4319 boux), ciemq daengx yangh gyauejvunz cungsoq 35%. Gaenh geij bi daeuj, aen yienh neix genhciz aeu minzcuz doxgiet daeuj coicaenh sevei doxhuz, dawz coicaenh minzcuz ginghci fazcanj caeuq sevei cinbu dangguh gvancez minzcuz cwngcwz dangj raeuz、veizhu minzcuz doxgiet cinbu guh gienh saeh daih'it daeuj ca ndei, aeu fazcanj swnghdai daegsaek ndaemciengx canjyez guh dingjcengj, byaij ok le diuzloh duet gungz baenz fouq ndeu. 2013 nienz, Bazlaz Yauzcuz Yangh sevei swnghcanj cungciz dabdaengz 7702 fanh maenz, nungzminz bingzyaenz moix vunz souhaeuj dabdaengz 4052 maenz, gonqlaeng aeundaaj "it mbanj it aen binjbaiz" sifan yanghcin、"diegbya yinzcu yinjsuij gunghcwngz daveican senhcin cizdij"、"aen mbanj roek veh gaeqdoengh" daengj lai aen cwngghauh miznaj, dwg fouz goenghah lwgmak swnghcanj gihdi Guengjsae, "mbanjranz lwgmak" diuz mingz neix riuzmingz daengx gih gak dieg.

(刘晓军 图/文)